ЎЗБЕКИСТОН РЕСПУБЛИКАСИ НОМИДАН **ХАЛ ҚИЛУВ ҚАРОРИ**

Хўжаобод тумани

2024 йил 6 март

Судья: И.Х.Жураев

Хўжаобод туманлараро иктисодий суди, судья И.Х.Жураев раислигида, судья ёрдамчиси А.Т.Аликуловнинг котиблигида, Хўжаобод туман прокуратурасининг даъвогар — "Хўжаобод Файз-М" масъулияти чекланган жамияти манфаатида жавобгар — "Хўжаободлик Шоирбек ерлари" фермер хўжалиги хисобидан 16 323 620 сўм асосий карз ундириш тўгрисидаги даъво аризаси бўйича Хўжаобод туман ёрдамчиси О.Абдухалилов даъвогар вакили У.Кўмаев (ишончнома асосида) иштирокида Хўжаобод туманлараро иктисодий суди биносида ўтказилган очик суд мажлисида кўриб чикиб, суд куйидагиларни

АНИКЛАДИ:

Хўжаобод туман прокуратураси даъвогар — "Хўжаобод Файз-М" масъулияти чекланган жамияти манфаатида судга даъво ариза билан мурожаат қилиб, жавобгар — "Хўжаободлик Шоирбек ерлари" фермер хўжалиги хисобидан 16 323 620 сўм асосий қарзни ундиришни сўраган.

Суд мажлисида туман прокурори ёрдамчиси жавобгар шартнома бўйича мажбуриятларини лозим даражада бажармаганлиги сабабли даъвони тўлик каноатлантириш ҳақида фикр билдирди.

Суд мажлисида даъвогар вакили даъвони тўлик каноатлантириб беришни сўради.

Жавобгар суд мажлисининг вақти ва жойи тўғрисида хабардор қилинган бўлса-да, суд мажлисида иштирок этмади.

Мазкур холатда суд ишни Ўзбекистон Республикаси Иктисодий процессуал кодексининг 170-моддаси учинчи кисмига асосан жавобгар иштирокисиз, ишдаги мавжуд хужжатлар асосида кўриб чикишни лозим топди.

Суд, прокурор фикрини, тараф вакилининг кўрсатмаларини, ишдаги мавжуд хамда такдим этилган хужжатларни ўрганиб чикиб, куйидагиларга кўра даъвони каноатлантиришни лозим топади.

Зеро, Ўзбекистон Республикаси Фуқаролик кодексининг (кейинги ўринларда матнда "ФК" деб юритилади) 8 ва 24-моддаларига кўра мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқади.

Ишдаги мавжуд хужжатлардан аникланишича, даъвогар - "Хўжаобод Файз-М" масъулияти чекланган жамияти (бундан буён матнда "Даъвогар" деб юритилади) ва жавобгар — "Хўжаободлик Шоирбек ерлари" фермер хўжалиги (бундан буён матнда "Жавобгар" деб юритилади) ўртасида 2023 йил 4 январда пахта хом ашёси ва уруғлик харид килиш бўйича шартнома тузилган. Шартноманинг 1.1-бандида жавобгар 12,8 гектар ер майдонидан 47,4 тонна пахта хом ашёсини етказиб беришни, шартноманинг 4.5-бандида эса даъвогар етказиб берган маҳсулот қийматининг 100 фоизи ҳисобидан терим учун юборилган пуллар ва бошқа ҳаражатлар чегирилганидан қолган қисми ҳамда уруғлик пахтанинг 1-босқич (50 фоиз) қийматини ҳосил йилининг 31 декабрь кунига қадар тўлаб беришни ўз зиммасига олган.

Тарафлар ўртасида 2023 йил 20 декабрь кунги ўзаро таққослаш далолатномасига асосан даъвогар 2023 йил пахта хосилини етиштириш харажатлари учун жами 289 691 518 сўмлик бўнак пули, уруғлик, минерал ўғитлар, техника хизмати тўлаб берилган, етказиб берилган ва хизматлар кўрсатилган.

Жавобгар эса 2023 йил ҳосили учун 33518 кг 1 нав 1 синф, 3974 кг 1 нав 2 синф, 1414 кг 2 нав 1 синф, 400 кг 3 нав 1 синф, 450 кг 5 нав 3 синф жами 39756 кг 273 367 898 сўмлик пахта хом ашёсини икки томонлама электрон тартибда имзоланган ҳисоб-варақ фактурага асосан етказиб берган.

Бундан кўринадики, жавобгар шартнома бўйича 47400 кг пахта хом ашёсини етказиб бериши лозим бўлса-да, бирок жавобгар 39756 кг пахта хом ашёси етказиб бериб, 7644 кг пахта хом ашёсини кам топширгани холда, шартноманинг 1,1-бандида белгиланган мажбуриятларини бажармаганлиги натижасида 16 323 620 сўм(289 691 518 сўм — 273 367 898 сўм) қарздорлик вужудга келган.

Шу сабабли туман прокуратураси даъвогар манфаатини кўзлаб судга даъво ариза билан мурожаат қилиб, жавобгардан 16 323 620 сўм асосий қарзни ундиришни сўраган.

Мазкур ҳолатда тарафларнинг мажбуриятлари контрактация(фьючерс) шартномасидан келиб чиққан.

ФКнинг 466-моддасига кўра қишлоқ хўжалиги махсулотини етиштирувчи ўстирилган(ишлаб чиқарилган) қишлоқ хўжалиги махсулотини тайёрловчига контрактация шартномасида назарда тутилган микдор ва ассортиментда топшириши шарт.

Демак, жавобгарнинг даъвогар олдидаги 2023 йил пахта хосилидан бўлган қарздорлиги 16 323 620 сўмни ташкил этади. Ушбу ҳолат тарафлар ўртасида тузилган солиштирма далолатнома билан ўз исботини топган.

Суд ишни кўриб чикиш билан боғлиқ суд харажатларини ундириш масаласини ўрганиб чикиб, даъво талаблари каноатлантирилганлигини инобатга олиб, ишни кўриб чикиш билан боғлик суд харажатларини жавобгардан ундиришни лозим топади.

"Давлат божи тўгрисида" ги Ўзбекистон Республикаси Қонунининг иловаси, 2-банди, а)-кичик бандига мувофик, иктисодий судларга бериладиган мулкий хусусиятга эга даъво аризаларидан даъво бахосининг 2 фоизи микдорида давлат божи ундирилиши белгиланган.

Ўзбекистон Республикаси Иқтисодий процессуал кодексининг 118-моддаси биринчи қисмига кўра суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

Суд, юқорида қайд этилган ҳолатлардан келиб чиқиб, даъвогарнинг даъвосини қаноатлантиришни, жавобгар – "Хўжаободлик Шоирбек ерлари" фермер хўжалиги ҳисобидан даъвогар – "Хўжаобод Файз-М" масъулияти

чекланган жамияти фойдасига 16 323 620 сўм асосий қарз, 34000 сўм почта харажати, республика бюджетига 340 000 сўм давлат божи ундиришни лозим топади.

Бинобарин суд, Ўзбекистон Республикаси Фукаролик кодексининг 8, 234, 466-моддаларига асосланиб, Ўзбекистон Республикаси Иктисодий процессуал кодексининг 118, 170, 176-180, 186-моддаларини кўллаб,

КАРОР КИЛДИ:

даъвогарнинг даъво талаби қаноатлантирилсин.

Жавобгар - Хўжаободлик Шоирбек ерлари фермер хўжалиги хисобидан: даъвогар - "Хўжаобод Файз-М" масъулияти чекланган жамияти фойдасига 16 323 620 сўм асосий қарз, 34000 сўм почта харажати ундирилсин.

Жавобгар — "Хўжаободлик Шоирбек ерлари" фермер хўжалиги хисобидан бюджетига 340000 сўм давлат божи ундирилсин.

Хал қилув қарори қонуний кучга киргач, ижро варақалари берилсин.

Мазкур ҳал қилув қароридан норози тараф у қабул қилинган кундан бошлаб бир ойлик муддат ичида шу суд орқали Андижон вилоят судига апелляция тартибида шикоят қилиши мумкин.

Раислик этувчи, судья

И.Х.Жураев

